



Hans Enoksen  
Inatsisartunut ilaasortaq  
Naleraq  
inatsisartut@inatsisartut.gl

## **Illuut A/S, Issittumilu sakkutooqarfiup illuutai pillugit § 37 naapertorlugu apeqquteqaammut 2024-087-imut akissut.**

08-07-2024  
Sags nr.: 2024-10556  
ID nr: 92821077

Asasara Hans Enoksen,

Postboks 909  
3900 Nuuk

Inatsisartut suleriaasianni § 37 naapertorlugu Illuut A/S, Issittumilu sakkutooqarfiup illuutai pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Tlf.: (+299) 34 50 00  
E-mail: box909@nanoq.gl  
www.naalakkersuisut.gl

## **Apeqqut 1: Sakkutuunut inissialiornernut Namminersorlutik Oqartussat suliffeqarfiutaat Illuut A/S illunut qassinut aningaasaliiva?**

Akissut: Illuut A/S tapersiissuteqaqquneqarami ima paasissutissiivoq:  
*"Inissiat Issittumi sakkutooqarfiup ullumikkut attartugai, 2011-mit 2014 tikillugu Aningaasanut Inatsisini ilaallutik Qinnorpumi sumiiffimmi 4A5-1-imi inissianik 300-nik sanaartorluni pilersaarummut annertuumut ilaasutut sanaartorneqarput, tassanilu Issittumi sakkutooqarfiup (inissiat 32-t) attartugaasa aningaasalersorneqarnerat katillugit 48.730.929 koruuniupput, taakkunanngalu pisortanit taarsigassarsiissutit 37.150.916 koruuniullutik".*

Illassutitut paasissutissiissutigineqarsinnaavoq, inissiat Issittumi sakkutooqarfiup Illuut A/S-imit ullumikkut attartugai, Qinnorpumi sumiiffimmi 4A5-1-imi inissianik 300-nik sanaartorluni pilersaarummut annertuumut ilaasutut aallaavittut sanaartorneqarmata. Qinnorpumi inissianik taakkuninnga 300-sunik sanaartornissami aningaasartuutissat 75%-iisa nalinganut Illuut A/S-ip pisortanit taarsigassarsitinneqarnissaanut, 2010-mit 2014 tikillugu Aningaasanut inatsisini aningaasaliisoqarpoq. Tassunga aningaasaliissutissat konto pingaarnerup 89.72.12 Inissialiassat taartissanillu inissialiortiternerup ataani suliaq nr. 060.34.510 Nuummi inissiat 300-ni immikkoortinneqarput.

## **Apeqqut 2: Aningaasat qanoq annertutigisut sakkutuunut inissialiornernut Naalakkersuisunik akuerineqarlutik illut qassit sananeqarpat?**

Akissut: Apeqqutip 1-ip akinerani atuarneqarsinnaasutut, sakkutuunut immikkut ittumik inissialiortoqanngilaq, inissiali 300-t taakkua sanaartorneqareernerini Issittumi sakkutooqarfik Illuut A/S-imit sulisunut inissianik attartorluni. Tamanna konto pingaarnerup 72.20.16 Inissiat attartortittakkat ingerlanneqarnerat, aningaasaliissutinit iluanaarutit ataanni oqaasertaliussaq nr. 1 naapertorlugu kiisalu pisortat inissiaataanni attartortittakkani naalagaaffiup suliffeqarfiutaannut sulisunut inissiaqartitsinissaq pillugu

Naalagaaffiup aamma Namminersorlutik Oqartussat akornanni 2006-imi isumaqatigiissutaasoq naapertorlugu pivooq.

**Apeqqu 3: Namminersorlutik Oqartussaat inissiaataat qassit sakkutuunut attartortinneqarpat, inigineqartut attartortinneqartullu amerlassusiat ilanngullugu?**

Akissut: Illuut A/S tapersiissuteqaqquneqarami ima paasissutissiivoq:  
"Illuut A/S Issittumi sakkutooqarfimmut inissianik 32-nik attartortitsivoq."

**Apeqqu 4: Illuut A/S qanoq annertutigisunik sakkutuunut inissialiornernut aningaasanik atuiva?**

Akissut: Apeqqu 1-imut akissut takuuk.

**Apeqqu 5: Illuut A/S qanoq aningaasaateqartigiva?**

Akissut: Illuut A/S tapersiissuteqaqquneqarami ima paasissutissiivoq:  
"Illuut A/S-ip 2023-p naanerani nammineerluni aningaasaatai 279.934.000 koruuniupput."

**Apeqqu 6: Suuut allat pilersaarutaappat sanaartugassat illuut A/S-ip aningaasartuutissai?**


Akissut: Illuut A/S tapersiissuteqaqquneqarami ima paasissutissiivoq:  
"Aningaasalersuinissamut periusissiaq Naalakkersuisunit akuersissutigineqartoq malillugu Illuut A/S massakkut sulivoq."

Illassutitut paasissutissiissutigineqassaaq, aningaasalersuinissamut periusissiaq Inatsisartut Aningaasaqarnermut Akileraartarnermullu Ataatsimiititaliaanit aamma akuersissutigineqarmat. Pilersaarutit tulliuuttut periusissiamiipput:

- Nuummi peqqinnissaqarfimmut inissiarsuit pingasut
- Nuummi Qinngorpumi inissiarsuit sisamat, tassani inissiat 60-it missaat nalinginnaasumik inissarsiortunut attartortitassatut, inissiallu 20-t missaat Greenland Airports A/S-imut
- Ilulissani, Qaqortumilu Greenland Airports A/S-imi sulisunut inissiat
- Greenland Airports A/S-imut qullersaqarfik

Neriuppunga qulaani allaqqasuni apeqquaqaatitit akineqartut.

Inussiarnersumik inuulluaqqusillunga



Hans Peter Poulsen